



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 68. Decreta Synodi Diöcesanæ Constantiensis.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. ne. XXI. De Judicibus Delegatis de
 A. C. 1609. nique. XXII. De Synodo.

§. LXVIII.

*Decreta Synodi Diœcesanæ Con-
 stantiensis.*

*Acta Synodi
 Const.
 Concilia
 Germ. p. 851.* Altera Synodus a Jacobo Fuggero in
 Constantiensi Diœcesi hoc anno die
 decima octava Octobris celebrabatur, ad
 quam tamen Princeps & Abbas Cam-
 pidonensis privilegii & exemptionis ob-
 tentu nec per se nec per alium compa-
 ruere, sicut nec Abbas Solemitanus, eo-
 quod ei Ordinis sui Generalis id inhi-
 buisset. Pariter nec Johannitarum nec
 Teutonicorum Equitum ullus intererat.
 Condebantur ibidem plurimæ constitu-
 tiones, inter quas tamen ceteris omis-
 sis nonnisi magis singulares recensebi-
 mus. Primo igitur prohibet Synodus,
 ne Catholici addiscendæ linguæ, mer-
 caturæ vel alio nomine ultra annum in
 locis hæreticis morentur, aut liberos
 suos ad Sectariorum Scholas ablegent,
 aut ad loca hæretica in Matrimonium
 locent. Præcipit, ut infantes expoliti,
 etsi Baptismi testimonium habeant ap-
 pensum, sub conditione tamen rursus
 aqua Salutari tingantur, & adultis com-
 munitio sub una tantum specie admini-
 stretur, eoquod hoc usu Catholici hodie
 a Se-

a Sectariis discernantur. Interdicit u-
 sum ad arcendas tempestates vel incen-
 dia Venerabile Sacramenta extra Ta-
 bernaculum exponendi, vel cum eo in
 Ecclesiarum portis aut cæmeteriis aut
 apud incendium orandi &c. prohibet
 etiam, ne Sacra Eucharistia ad capitis
 pœnam damnatis ipso die supplicii præ-
 beatur. Præterea cum in Diæcesi tri-
 ginta tres omnino casus essent reservati,
 Synodus declarabat, quod omnes ap-
 probati Confessarii *Laicos* a singulis istis
 peccatis alias reservatis, *occultis tamen*,
 exceptis Homicidii voluntarii reis, &
 majori excommunicatione Judiciali in-
 nodatis: *Clericos* vero pariter ab iisdem
 occultis absolvere queant, exceptis ta-
 men homicidis, & excommunicatis,
 necnon peccato bestialitatis, congressu
 cum Moniali, revelatione Confessionis,
 & si quis Diæcesanus per alium Episco-
 pum absque Ordinarii licentia aut fur-
 tive, aut per saltum, vel extra statuta
 tempora & ante legitimam ætatem fuisset
 ordinatus. Denique Synodus patrio
 sermone decreta matrimonium con-
 cernentia eo fine publici juris fieri cu-
 rabat, ut ea ab omnibus Parochis bis
 in anno ex suggestu suis fidelibus in-
 culcarentur.

Sæc. XVII.
 A. C. 1609.